

平陽府志

卷十四 — 卷十九

平陽府志卷之十四

屯田

寓兵於農，井田是也。役兵爲農，屯田是也。明之屯田，較多於前代，而制亦加詳。變革之初，兵戈甫息，民無定居，地多荒廢。乃度衛所間田，分軍立屯。法令衛所軍士，七分守城，三分屯種。起自龍江，遍於天下。歲收其入資祿餉焉。平陽衛置指揮一員，統領左右中前後五千戶所，提調其事。地坐州縣，租領衛所，於民無與也。今其田散以予民矣。歲入之數，州縣領之。其隸衛所無幾耳，而屯田之名尚仍其舊。條目既存，不得不別而異之，作屯田志。

臨汾縣

屯田上中下各色，共地二百五頃二畝四分五厘，額徵折色銀四百一十四兩四分五厘零。共徵屯米改徵黑豆五百六石一斗八升五合零。

屯丁三百一十丁，共徵徭銀六十八兩五錢六分零。

襄陵縣

屯田水平、坡、沙各色，共地三十四頃七十三畝二分，額徵折色銀一百八十三兩九錢九分二厘。

洪洞縣

屯田 水平、碱坡、灘各色，共地五十四頃四十一畝二分一厘零，額徵折色銀四十七兩三分六厘零。又徵本色粟米一百五十四石四斗八升四合。

浮山縣

屯田 上中下各色，共地三十二頃八十畝二分，額徵折色銀一百四兩五錢八厘。

趙城縣

屯田 水平、坡各色，共地一百二十九頃一十五畝六分七厘零，額徵折色銀四百一十二兩二錢七分四厘零。

太平縣

屯田 中色地四頃七十七畝八分，額徵折色銀一十九兩九分二厘。

岳陽縣

屯田 下地，并康熙元二三年開墾過荒地，共四百九十二頃五十四畝八分八厘零，額徵折色銀一千一百二十二兩九錢七分三厘零。

曲沃縣

屯田 水平、坡、灘各色，共地八十四頃三十七畝二分一厘，額徵折色銀二百六十五兩五錢五分九厘零。

翼城縣

屯田上中下各色，共地二十六頃六十九畝二分五厘零，額徵折色銀八十九兩四錢三分九厘零。

汾西縣

屯田下地，三十八頃四十二畝七分，額徵折色銀一百二兩六錢。

靈石縣

屯田共地五十三頃四十畝三分一厘零，額徵折色銀一百五十二兩七分六厘零。

蒲縣

汾州衛歸并本縣屯田并節年開墾，共地二百八十五頃一十六畝三分七厘零，額徵折色銀三百八十三兩六錢八分零。

屯丁一百一十二本，徵徭銀二十四兩六錢三分九厘零。

蒲州

屯田其地五頃四十三畝，額徵折色銀一十五兩八錢五分七厘。

臨晉縣

屯丁七百三丁，徵徭銀九十二兩四錢九分七厘零。

榮河縣

屯丁四百五十九丁，徵徭銀一百一十五兩五錢三厘零。

猗氏縣

屯田上中下各色，共地三百一十四頃一十六畝二分五厘零，額徵折色銀六百三十三兩八錢三分零。

屯丁六十九丁，共徵徭銀一十五兩二錢。

萬泉縣

屯田下地，九十四頃五十四畝八分二厘零，額徵折色銀三百一十九兩五錢四分一厘零。

河津縣

屯田上中下各色，共地三十七頃二十二畝四分六厘，額徵銀一百七十二兩一錢八分六厘零。

安邑縣

屯田下地三頃六十五畝，額徵折色銀一十五兩三錢六分。

屯丁三百六十丁。半徵徭銀八十七兩一錢一分七厘零。

夏縣

屯田上中下各色，共地六十二頃五十六畝八分二厘，額徵折色銀一百七十五兩二錢四分零。

聞喜縣

屯田上中下各色，共地四百五十七頃八十一畝五厘零，共徵折色銀一千三百八十九兩九錢七

分八厘零。

又順治十六年起，至康熙十六年止，開墾屯田共地四十四頃一十一畝二分零，人徵折色銀一百三十三兩二錢四分三厘零。

屯丁四十九丁，共徵徭銀一十兩二分。

平陸縣

屯田各色，共地六十頃一畝二分一厘，額徵折色銀一百五十三兩三錢九分二厘零。

又順治十三年起，至康熙十六年止，開墾共地七頃二十二畝，折色銀一十七兩八錢九分七厘零。

稷山縣

屯田沙地二十七頃九十五畝五分三厘，額徵折色銀八十八兩六錢一分二厘零。

絳縣

屯田下色。共地一百三十七頃一十八畝九分五厘零。額徵折色銀四百三十九兩六厘零。

屯丁二百三十八丁，徭銀五十兩六錢八分。

垣曲縣

屯田共地八頃九十七畝七厘零，額徵折色銀一十九兩四錢五分二厘零。

霍州

屯田共地五十五頃六十四畝六分零，額徵折色銀一百二十一兩八分五厘零。

吉州

屯田山坡，共地八十八頃二十二畝八分，額徵折色銀二百八十三兩九錢三分五厘零。

又順治十五年起，至康熙二年止，開墾過屯田共地二十六頃三十畝五分二厘，折色銀九十二兩一錢二分一厘零。

隰州

屯田共地六十一頃六畝三分，額徵折色解二百六兩九錢八分三厘零。

大寧縣

屯田平坡各色，共地七頃七十六畝，折銀二十七兩一錢六分。

汾州衛歸并本縣屯田共山坡地二頃七十畝二分，共徵折色銀五兩。

永和縣

屯田共地三十二頃二十六畝二分五厘零，額徵折色銀三十六兩四分。

平陽衛經徵

蒲縣共屯糧銀二百一兩四錢三分零。

臨晉縣共屯糧銀八千四十二兩三錢二分八厘零。

蒲州所經徵

本色米三千三百二十六石六斗一勺零。

平陽府志卷之十五

鹽法

河東之有鹽池，古也。南風之歌所欲阜者，民財耳。《周禮》：「鹽人所掌不過政令之厲禁，而國無所利焉。」晉人去絳而居郇，利其近鹽。則利己不獨在民矣。自鹽鐵置官，而利之在民者漸少。桑弘羊、劉晏、皇甫鏞之輩出，爲法滋密，而利盡在官矣。自是以來，領於經制勢不得稍捐以予民，而修築堰堤唯民是問。近池之民且重受其困矣。鹽不得銷，則抑配俵散，不唯困民力，且困民財矣。銷鹽銷引分爲二事。人戶每歲所納鹽錢竟同正供，而日用食鹽仍需之商。是鹽與引交困之矣。夫天下未有民困而商能獨利者，亦未有商困而歲入常盈者。酌於公私之間，而曲爲措置，非身其事者，不能悉也。謹按歷代規制與見行事，宜作鹽法志。

唐虞免舜時，洪水方殷，池尚淤泥。禹貢鹽稀，但見青州。

周周官有監鹽，謂不煉治而成，蓋解鹽也。故圖經引《穆天子傳》，有安邑觀鹽池之語。

《左傳》：魯成公六年，晉人謀去絳，諸大夫皆曰：必居郇瑕氏之地，沃饒而近鹽。郇瑕即解地也。《周禮》：鹽人掌鹽之政，令以供百事之鹽。祭祀共其苦。鹽、散鹽，賓客共其形鹽，散鹽，王之膳羞共其飴鹽。後及世子亦如之。

秦取之以自豐，其利二十倍於古。

漢武帝元狩中，兵連不解，縣官大空，富商大賈冶鑄鬻鹽財累萬金，不佐公家急。乃以東郭咸陽孔僅為大農丞，領鹽鐵事。五年，僅咸陽言山海天地之藏，宜屬少府。陛下弗私，以屬大農佐賦。願募民自給費，因官器作鬻鹽。官為牢盆浮食寄民，欲擅幹山海之貨以致富，羨役利細民，其沮事之議不可勝聽。敢私鑄鐵器鬻鹽者，釐左趾，沒入其器物。元封元年，因桑弘羊請置大農部丞，分部主郡國置均輸鹽鐵官。是時，鹽官凡二十八郡，河東安邑為首，而鄭當時舉齊之大，鬻者解鹽，在官始悉。宣帝地節四年，減天下鹽賈。元帝初元元年，罷鹽官，尋復之。明帝時，官自鬻鹽。章帝建初中，又議復鹽官。鄭衆諫不從。和帝即位，罷鹽官。獻帝建安初，置使者監賣鹽。

元魏宣武時，河東鹽池富強者，專擅其利，貧弱者不能資益。延興，未復立鹽司。量其貴賤，節其賦入，公私兼利。孝明即位，御史中尉甄琛表稱《周禮》：山林川澤有虞衡之官為之歷禁，蓋取之以時，不使戕賊而已。雖置有司實為民守。今縣官郭護河東鹽池，而收其利，是專奉口腹，不及四體也。彭城王勰曰：聖人斂山澤之貨，以寬田疇之賦。收關市之稅，以助什一之儲。取此與彼，皆非為身。所謂資天地之產，惠天地之民。鹽池之禁已久，積而散之，以濟國用，非專供大官也。宜如舊。孝明卒從琛議。弛以與民。自後豪強之家，乘勢占奪。近池之民，又輒障格。神龜初，復置官以監之。其後興廢無常。

隋開皇三年，鹽池亦與民同。

唐初，無鹽賦。開元元年，河中尹姜師度以安邑鹽池漸涸。開決水道，置為鹽屯。公私大收其利。左拾遺劉彤請檢校河南鹽利，於是使師度除蒲州。鹽池以外自餘處更不須巡檢。蓋唐鹽池十有八井六百四十，然皆隸度支。其蒲州安邑、解梁縣有池五、總曰兩池。歲得二百千萬，以供邊塞之用。其行鹽之地，止於中州，濟于汾西，距隴坂東下京鄭抵於宛賦足之。後仍以解鹽萬斛以供京師。自陳少游奏加賦權，兩池鹽每斗錢三百七十，民始怨矣。兵部尚書李選，為使兩池鹽利歲收百五十余萬緡，四方豪商猾賈雜處解縣，主以郎官，其佐貳皆御史。鹽民田園籍于縣。而令不得以縣民治之。憲宗討淮西度，志使皇甫鏐又加劍南東西兩川，山南西道鹽估以供軍。初，德宗貞元中，盜鬻兩池鹽一石者死。以至元和中，減死，流天德五城。鏐奏論死如初。一斗以上杖背，沒其車驢。能捕斗鹽者，賞千錢。州縣因保相察。比于貞元加酷矣。自兵興河北，鹽法羈縻而已。皇甫鏐又奏置權鹽法，犯禁歲多。戶部侍郎判度支盧弘正。以兩池鹽法敝，遣巡院官司與更立新法。其課倍入。還權權鹽使，以壕籬著鹽池之堤禁。有盜鹽與鬻鹹者皆死。鹽盜持弓矢者亦死。刑兵部侍郎判度支周墀。又言兩池鹽盜販者迹其居處。保社按罪鬻五碩市二碩亭戶，盜糶二石皆死。是時，江吳群盜以所剽易茶鹽，不受者焚其室廬。吏不敢枝梧，鎮戍場鋪堰堞，以關通致富。宣宗乃擇常更兩幾輔望縣令者為鹽院官，戶部侍郎裴休為鹽鐵使，上鹽法八事。其法皆施行，兩池權課大增。其後兵遍天下，諸鎮擅利，兩池為河中節度使王重榮所有。歲貢鹽三千車。中官田令孜

募新軍五十四都，揮轉不足仍倡議兩池復歸鹽鐵使。而重榮不奉詔，至舉兵反。僖宗為再出大抵解池鹽。唐隸度支，專佐軍國。自代宗大歷間，賜名實應慶靈池。

晉天福七年，先是諸州府除俵散蠶鹽徵錢外，每年末鹽界分場務約糶錢一十七萬貫有餘。言事者稱，雖得此錢，百姓多犯鹽法，請將上件食鹽錢，于諸道州府計戶。每戶一貫至二百，為五等配之。然後任人逐便興販。既不虧官，又益百姓。朝廷行之，諸處場務且仍舊。俄而，鹽貨頓賤，去出鹽遠處州縣，每斤不過二十。掌事者又稱驟改其法，奏請重置稅焉，蓋欲絕興販，歸利于官場院。糶鹽雖多，人戶鹽錢又不放免，民甚苦之。

周顯德中，世宗謂侍臣曰：朕覽食末鹽州郡，犯私鹽多于顆鹽界分，況末鹽煎煉搬運費用倍於顆鹽。今宜分割曹宋十餘州，令食解州顆鹽。

宋制兩池，以戶民為畦。夫悉蠲其他役。每歲自二月一日墾畦，四月始種，八月乃羅。官廩給之。又募兵百人，目為護賓都以巡邏之。安邑池，每戶歲種鹽千席。解池減二十席，每席百有一十六斤半。以給三京及京東之齊兗曹濮軍、鄆州軍，京西之滑鄭陳潁汝許孟州，陝西之河中府陝虢慶成州，河東之晉絳慈隰州，淮南之宿亳州，河北之懷州、及澶州諸縣之在南河者。至道三年，兩池得鹽三十七萬三千五百四十五席，此其最多之數也。真宗咸平中，度支使梁鼎言陝西沿邊食解鹽，請勿通商，官自鬻利，且數倍。詔以鼎為制置使，而命內殿崇班杜承審副之。承審閱視還，為帝言，往鄜延環渭等州禁青鹽，令商人入蜀粟還解鹽于邊。其直

與青鹽不還。是以民安於法，而蕃部青鹽欲售無從也。今官運解鹽，欲與內地同價，達民必明法網，入蕃界販青鹽以邀利，而居者亦樂其價廉，與之為市。是助寇盜而結民怨也。鼎以煩擾不售得違罷。大中祥符九年，陝西轉運副使張象中，言安邑解縣貯鹽三千二百七十六萬，記三億八千八百八十萬八千九百二十八斤，計直一千一百七十六萬一千八十貫。切慮遺利，望行條白帝，曰此財之阜亦至矣。若過求增羨，慮有時而闕不可許。仁宗天聖八年，或言陝西禁鹽得利微而為害博，兩池積鹽成阜，其上生木合抱，數莫可校。請聽通商寬百姓力。乃詔罷三京二十八軍州榷法，聽商賈入錢京師榷貨物，受鹽兩池，然稅課入官者頗耗。自元昊反，聚兵西邊，用度不足。因詔入中他貨。由是羽毛、筋角、漆炭、瓦木之屬，一切以鹽易之。滑商貪賈乘時賂吏為奸，至入椽木二估千錢給鹽一大席，為二百二十斤，虛費池鹽。鹽直益賤。販者不行，公私無利。乃詔復京師榷法。凡商人以虛估受券及已受鹽未鬻者，皆計直輸虧官錢。他州軍民間鹽悉收市入官，官為置場，增價而出之。復禁永興同華耀河中陝解解州絳慶成十一州軍商鹽。官自輦運以衙前主之，又禁商鹽私入蜀。置折博務於永興鳳翔聽人入錢，量民資厚薄，役令輓車轉致諸郡。道路糜費，役人竭產不能償。關內騷然，所得鹽利不足佐縣官之急。并邊誘人入中芻粟，皆為虛估騰踴至數倍。費京師錢幣反多。乃從太常博士范詳議。舊禁鹽池一切通商鹽入蜀者，亦恣不問。罷并邊九州軍入中芻粟。第令入實錢以鹽償之。視入錢州軍遠近及所指東西鹽第。優其估，總為鹽三十七萬五千大席，授以要券，即池驗券，按數而出。任其轉

三陽月志
售，所得錢以實塞下盡弛兵民輦運之勞。數年，猾商貪賈無所僥幸。其後三司言京師商賈罕至，鹽直踴貴，請得公私并買，而餘則禁止官鬻。從之。時兩池歲役畦戶皆解河中陝號慶成之民。官司侵剝，民以為苦，乃詔三歲一代常積通鹽課至三百三十七萬餘席，詔蠲其半。中間以積鹽多，特罷種鹽一歲，或二歲三歲，以寬其力。其後減畦戶半又稍備夫代之。五州之民得安田里，無追逮侵剝之擾。是時，兩池皆置官八。解州有權鹽院守貳領之，總其事日制置。神宗熙寧間，中書議陝西鹽鈔大出虛鈔，而鹽益輕。以鈔折兌糧草，有虛抬邊糴之患。請用西蜀交子法，使其數與錢相當，可濟緩急。詔以內藏錢二百萬緡，三司遣使易吏，行四路請買鹽引。又令秦鳳永興鹽鈔歲一百八十萬為額。河南北曹濮秦鳳等處皆食解鹽。遡自仁宗時，解鹽通商，官不復權。哲宗元祐元年，戶部及陝西制置解鹽司議，延慶渭原環鎮成保安德順等八州軍皆禁權官自鬻。以萬五千五百席為額，聽商旅入納于八州軍，折傳務筭給交引，一如范祥舊法。其出賣到鹽錢。以給轉運□糴買。徽宗崇寧元年，解到賈瓦南北。圓池修治，畦眼拍磨布種通，得鹽百七十八萬餘斤。州具以聞。初，解梁之東有六鹽澤，即今六小池，綿亘百餘里，歲得億萬計。元符元年，霖潦池壞。至是，乃議修復。四年，池成，凡開二千四百餘畦。百官皆賀。內侍王仲千實董之，仲千以額課數溢為功。議者謂鹽池灌水盈尺，暴以烈日，鼓以南風。須臾成鹽，其利則博。苟欲溢額，不俟風日之便，厚灌以水，積水而成。味苦不適口。崇寧間，蔡京始變鹽法。俾商人先輸錢請鈔，赴產鹽郡授鹽。欲囊括四方之錢，盡入中都，以進美

要寵。民間食鹽雜以灰土。解池天產，美利乃與糞壤俱積矣。初，熙寧八年，三司使章惇言東西永利兩監鹽課舊額二十五萬餘緡，自許商人入中糧草增饒，給錢支鹽。商人得錢千錢，售價半之。縣官陰有所亡，坐賈獲利不貲。又私鹽不禁，歲課日減。今才十萬四千餘。若計糧草虛估，官才得實錢五萬餘。視舊虧十之八。請如解鹽例，募商入錢請買，或官自鬻，重私販之禁。歲課且大增。并邊市糧草一用見錢。乃詔官自運鹽鬻于本路。知太原府韓絳言其不便，請通商。乃令商人輸錢于邊給券，于東西監請鹽。以除加饒折糴之弊。仍令商人占所賣地，即官鹽已運至場務者，令商人買之，加運費。初，熙寧五年，京西漕臣陳知儉言蠶鹽畸零，非民所賴，乃罷之。第令輸錢。故宋于解池之鹽，朝廷專置使以領之。北方之鹽盡出於池云。

馬端臨文獻通考 按授人以鹽，而徵其錢，謂之蠶鹽。行之京東諸路。免鹽之權而均諸稅，謂之兩稅鹽錢。行之河北，皆五代法也，乃其弊也。鹽不給而徵錢如故，稅已納而禁權再行。蓋誤以二者為經常之賦，而不知其源出於鹽也。河北之權方平，言之仁皇聽之，惠及一道矣。獨蠶鹽錢之輸未有能如方平者，力言之。至和中，僅免其十之三。惜哉！

元因乎宋，皆領在官。東池二場，曰「常滿」，曰「鹽北」。西池二場，曰「紫泉」，曰「會商」。場設官四員。三鹽池，一領縣事。

明河東運司歲辦鹽六千八十萬斤。每二百斤為一引，其計三十萬四千引。分撥陝西、山西、河南。食鹽開中于宣大，當時邊疆遼闊，運餉維艱。戶部出榜招商，以內地鹽中邊，使商為飛

輓，至善策也。洪武初，每引價八分。永樂中，輸粟二斗五升。官徵薄而商利鹽價平，而課充。成化十年，設解鹽東場分司於路村，撈辦東場鹽課；設西場分司於解州，撈辦西場鹽課。二十二年，復設中場分司，增歲辦鹽課一十一萬六千引，共四十二萬引，內存積一十二萬六千引，常股一十八萬九千引，戶鹽一十萬五千引，戶鹽乃派支各項食鹽，餘則并與常股。聽商報中者，每引納米豆二斗七升七合。弘治中，尚書葉淇變亂成法。始令運司招商輪課，解部送邊。於是有運司納銀之例。而陝西又以銀供不繼，定令河東每引納銀二錢一分。而開中之法遂廢。正德八年，鹽花盛生。御史張士隆請於額辦四十二萬引外，另撈鹽二十萬引。召商於偏頭等處。開中以補王府祿糧之缺。嘉靖二十七年，從御史陳玠議河東正鹽四十二萬引，每引定納銀三錢二分，得銀一十三萬四千四百兩。餘額解宣府八萬外，餘銀五萬四千四百兩，并餘鹽二十萬引。該折銀六萬四千兩，共銀一十一萬八千四百兩。內除四萬三千一百一十六兩八錢淨解大同府，補給王府祿糧，其餘七萬五千二百八十三兩二錢，俱解山西布政司，抵補民糧及王府祿糧。先是正統十四年，北邊多事，戶部借撥山西民糧二十七萬三千六百石，運赴宣府接濟。後議將起解宣府稅糧盡數存留山西布政司，支祿糧軍餉等項。河東運司銀亦與焉。及嘉靖四年至八年，池鹽缺額，此時尚有餘鹽變價。歷年奏補，可償十之二三。嘉靖二十二年，從尚書方銑言，革去餘鹽名目，定以六十二萬為額。除官吏食俸鹽三百五十引，王府食鹽二千九百九十引，實該辦六十一萬六千八百引。每引三錢二分，該每年辦銀一十九萬七千三百七十六兩。

內解宣鎮銀八萬兩，大同代府祿糧銀四萬三千一百一十六兩八錢，山西抵補民糧銀七萬四千二百五十九兩二錢。是歲，供之數比原額過倍矣。四十年，總理鹽政都御史鄒懋卿拊剋媚上，將河東堆積鹽料易銀一十四萬二千四百五十兩。又每引正課外加鹽二十斤，每年增銀四萬三百兩，俱解太倉。于是正課虧，而邊餉缺。萬歷二年，督臣戴尚書題將陝西延安一府改食花馬池鹽。于河東宣府年例八萬兩內認去三千二百二十一兩四錢四分，改解延綏充餉。萬歷十七年，部議仍遵舊制。以四十二萬引為額，將開歸二府照會典改隸山東長蘆運司。將河東續增二十萬引內，撥一十五萬引。該課解四萬八千兩，令東蘆二運司分認。照銀定引，每年各照數徑解宣府，抵河東原額。而河東年例止解宣府銀二萬八千七百七十八兩五錢六分。餘引五萬，既系續增，辦納不前暫準停免十八年。御史吳達可又題將太汾等處鹽票銀，自本年為始免。其解部竟解山西布政司，抵河東正額。考得票鹽名色起於嘉靖中。有言太原汾州山路崎嶇，商運難致。乃許行土鹽給票收稅。每鹽百斤，納銀三分。仍聽轉販於岢嵐、保德、河曲等處。惟平定、代石十州縣，地里稍平，令行運鹽，而商人亦不至。乃從御史趙睿之議行。巡鹽御史會同巡按，查覆州縣戶口食鹽之數，計口定鹽給票收稅。務使地無遺利，法無遺奸。先後增票共一十一萬五千五百七十九張。抵作一萬六千三百二十引。每票一百斤，稅銀六分。該銀六千九百三十四兩七錢四分，以稅票比照引價，額有齟齬。而此時總計，則每年額鹽四十三萬引。除各項認解抵扣外，實該解宣鎮銀二萬八千七百七十八兩五錢六分，解大同銀照原額四萬三千一百

一十六兩八錢，解山西抵補民糧銀二萬一千三十六兩七錢四分，共該銀九萬二千九百二十二兩一錢六分。初，萬歷十一年，部覆補給壓待商人高世彦等一十萬引，於年解山西額內減銀三萬二千兩，於太倉庫補發。按壓待之名，起于隆慶元年。至四年，池遭客水，鹽花不生。年例催督，不得不責商人報納。各商預納鹽價，實未支鹽。故有壓待壓支等項名目。萬歷十九年，巡鹽林御史題準，仍將壓待鹽十萬引盡行支商徵價。補解山西鎮銀三萬二千兩，免於太倉給發。內除介休縣新增票鹽一百五十引，抵解銀四十八兩，實行九萬九千八百五十引。該加解山西銀三萬一千九百五十二兩。而舊行太汾等處票銀六千九百三十四兩七錢四分不與焉。萬歷三十七年，陳御史議引票兼行，互相影射，大為弊藪。宜令行票之地，俱改行引。廣頭緒不多，稽查亦便。部覆報可。自後萬歷二十七年，有罷職百戶。吳應麟以餘鹽變價之說進之，稅使張忠忠往視。每年包辦鹽四萬八千引。該銀二萬八千八百兩，名為進鹽，蓋取商人額內之鹽，而責以額外之課，商人苦之。是時，河東鹽課除花馬池認銀及太汾鹽票續增外，實該解宣大山西三處年例銀共一十二萬三千二百一十九兩八錢二分，及前項進鹽二萬八千兩。至四十二年，乃認罷進鹽之數。天啓六年，大工告匱。部議河東運司每引增銀二分，共加銀八千四百兩。崇禎五年，從王侍御之議，增鹽一萬二千五百引，加銀四千兩，充新餉。又加練餉銀七千兩，俱解戶部。後因旱澇不常，鹽不生結。流寇煽亂，商人逃亡。歲課壓欠難完。於崇禎九年，姜侍御秦行按丁食鹽，計引定課之法。令各屬照人丁納價領運。以不能封課之商，支鹽給與戶口，而戶